

Komisioni për Mbrojtjen e Konkurrencës, bazuar në nenin 28 dhe nenin 19 paragrafi (1) pika 2) të Ligjit për mbrojtje të konkurrencës ("Gazeta Zyrtare e Republikës së Maqedonisë" nr. 145/10, 136/11, 41/2014, 53/16, 83/18 dhe "Gazeta Zyrtare e Republikës së Maqedonisë së Veriut" nr. 208/24 dhe 16/25), duke vepruar sipas njoftimit për përqendrim të parashtruar nga Viva Fresh Sh.P.K. nga Kosova me seli të regjistruar në Magjistratja Prishtinë Lipjan NN, Suhodoll, Graçanicë, Kosovë, dorëzuar nëpërmjet avokatit Hekuran Zeqiri nga Tetova, në seancën e mbajtur më 19.06.2025, miratoi

AKTVENDIM

1.Konstatohet se përqendrimi me të cilin Viva Fresh Sh.P.K. nga Kosova, me seli të regjistruar në Magjistratja Prishtinë Lipjan NN, Suhodoll, Graçanicë, Kosovë, do të fitojë kontroll mbi Shoqërinë tregtare SPAR ALBANIA SHPK me adresë të regjistruar në Rruga Kombëtare Tiranë – Elbasan, godina "Brunes Space", përballë hyrjes Viole të qendrës tregtare TEG, Farkë, Lundër, Tiranë, Republika e Shqipërisë, edhe pse bie nën dispozitat e Ligjit për mbrojtjen e konkurrencës, nuk do të ketë si pasojë pengimin, kufizimin apo shtrembërimin e ndjeshëm të konkurrencës efektive në treg ose në një pjesë të rëndësishme të tij, në veçanti si rezultat i krijimit apo forcimit të pozitës dominuese të pjesëmarrësve **dhe është në përputhje me dispozitat e Ligjit për mbrojtjen e konkurrencës sipas nenit 19 paragrafi (1) pika 2) të Ligjit për mbrojtjen e konkurrencës.**

2.Detyrohet parashtruesi i njoftimit për përqendrim të paguajë taksë administrative për njoftimin për përqendrim në shumë prej 6.000 denarësh, si dhe për vendimin në shumë prej 30.000 denarësh, sipas tarifës numër 34 të Ligjit për taksa administrative ("Gazeta Zyrtare e Republikës së Maqedonisë" nr. 17/93, 20/96, 7/98, 13/01, 24/03, 19/04, 61/04, 95/05, 7/06, 70/06, 92/07, 88/08, 130/08, 6/10, 145/10, 17/11, 84/12, 192/15, 23/16 si dhe "Gazeta Zyrtare e Republikës së Maqedonisë së Veriut" nr. 151/21), në llogarinë e Buxhetit të Republikës së Maqedonisë nr. 100000000063095, llogari pagese 840...03161, kodi i të ardhurave dhe programi 72231300.

3.Padia për fillimin e një kontesti administrativ nuk e pezullon ekzekutimin e këtij vendimi.

Arsyetim

Në përputhje të dispozitave të nenit 15 të Ligjit për mbrojtjen e konkurrencës (në tekstin e mëtejshëm: Ligji), më 16.05.2025 dhe plotësuar më 22.05.2025, Komisionit për Mbrojtjen e Konkurrencës (në tekstin e mëtejshëm: Komisioni) i është dorëzuar njoftim për përqendrim nga Viva Fresh Sh.P.K. nga Kosova, me seli të regjistruar në Magjistratja Prishtinë Lipjan NN, Suhodoll, Graçanicë, Kosovë, me të cilin Viva Fresh Sh.P.K. do të fitojë kontroll mbi Shoqërinë tregtare SPAR ALBANIA SHPK me adresë të regjistruar në Rruga Kombëtare Tiranë – Elbasan, godina "Brunes Space", përballë hyrjes Bicaj të qendrës tregtare TEG, Farkë, Lundër, Tiranë, Republika e Shqipërisë, përmes shitblerjes së aksioneve.

Komisioni ka filluar shqyrtimin e Njoftimit me datën e marrjes së tij dhe në bazë të të dhënave të dorëzuara në njoftimin për përqendrim dhe shtojcat përkatëse ka konstatuar si vijon:

Aktivitetet themelore afariste të ndërmarrjeve të përfshira:

Viva Fresh Sh.P.K. nga Kosova është shoqëri që merret me shitjen me pakicë të mallrave në dyqane të pa specializuara – supermarkete ku mbizotërojnë ushqimet, pijet dhe duhani.

Viva Fresh Sh.P.K. nga Kosova ka këto shoqëri të lidhura në tregun e Republikës së Maqedonisë së Veriut:

-Shoqëria për prodhim, tregti dhe shërbime VIVA FRESH STORE SHPKNJP Shkup, me seli të regjistruar në Brigada Maqedonase-Kosovare 11 nr.1/1 Shkup - Butel, me veprimtari primare – tregti me pakicë në dyqane të pa specializuara, kryesisht ushqime, pije dhe duhan.

Shoqëri tregtare KIT-GO SHPKNJP Shtip, me seli të regjistruar në Brigada Maqedonase-Kosovare 11 nr.1/1 Shkup, Republika e Maqedonisë së Veriut – shoqëri me objekt veprimtarie tjetër tregti me pakicë në dyqane të pa specializuara

KIT-GO SHPKNJP Shtip, Republika e Maqedonisë së Veriut, ka shoqëri të lidhura në tregun e Republikës së Maqedonisë së Veriut:

-Shoqëria për tregti, hotelieri dhe shërbime TALFA SHPKNJP SHTIP me seli të regjistruar në bulevardin Goce Dellçev nr.52, Shtip, Republika e Maqedonisë së Veriut dhe me veprimtari primare – dhënia me qira dhe administrimi i pasurisë së paluajtshme në pronësi ose i pasurisë së paluajtshme të marrë me qira (lizing).

-Shoqëria për tregti dhe shërbime TDELTA-ING 2017 SHPKNJP Shtip me seli të regjistruar në Bulevardin Goce Dellçev nr.52, Shtip, Republika e Maqedonisë së Veriut dhe me veprimtari primare – dhënia me qira dhe administrimi i pasurisë së paluajtshme në pronësi ose i pasurisë së paluajtshme të marrë me qira (lizing).

SPAR ALBANIA SHPK kryen shitje me pakicë dhe shumicë të produkteve ushqimore dhe jo-ushqimore.

Komisioni konstatoi se përqendrimi i njoftuar bie nën dispozitat e Ligjit për mbrojtjen e konkurrencës, pasi plotëson kushtet nga neni 12 paragrafi (1) pika 2) dhe nga neni 14 paragrafi (1) pika 1) dhe 2) të Ligjit.

Komisioni, duke pasur parasysh kriteret nga neni 17 paragrafi (2), paragrafi (3) dhe paragrafi (4) të Ligjit dhe pika 6 b) e Udhëzimeve për përcaktimin e rasteve në të cilat gjatë vlerësimit të përqendrimeve Komisioni për mbrojtjen e konkurrencës zakonisht do të konstatojë se të njëjtat janë në përputhje me Ligjin për mbrojtjen e konkurrencës, vlerësoi se përqendrimi i njoftuar, edhe bie nën dispozitat e Ligjit, është në përputhje me të pasi nuk do të ketë si pasojë pengesë, kufizim apo shtrembërim të rëndësishëm të konkurrencës efektive në treg ose në një pjesë thelbësore të tij, sidomos si rezultat i krijimit ose forcimit të pozitës dominuese të pjesëmarrësve.

Duke pasur parasysh këtë vlerësim të përqendrimit, Komisioni vendosi si në dispozitivin e këtij Vendimi, në përputhje me nenin 19 paragrafi (1) pika 2) të Ligjit.

Në përputhje me nenin 53 paragrafi (2) të Ligjit, padia nuk e prolongon ekzekutimin e vendimit.

Udhëzim për mjetin juridik:

Kundër këtij vendimi mund të paraqitet padi për fillimin e kontestit administrativ para Gjykatës Administrative në afat prej 30 ditësh nga dita e dorëzimit të tij.

**KOMISIONI PËR MBROJTJEN E KONKURRENCËS
KRYETARE**

M-p Малинка Силјановска Николиќ